

BASES REGULADORAS E CONVOCATORIA DO XIX PREMIO ÁS MULLERES “DNA. MARUJA GUTIÉRREZ” 2025 DO CONCELLO DE LALÍN

O Concello de Lalín, con motivo do 8 de Marzo Día Internacional das Mulleres, convoca o **XIX Premio ás Mulleres “Dna. Maruja Gutiérrez” 2025**, dacordo coas bases reguladoras aprobadas por Xunta de Goberno Local con data 24 de xaneiro de 2025.

A Lei 7/2023, de 30 de novembro, para a igualdade efectiva de mulleres e homes de Galicia, establece no artigo primeiro o compromiso da Comunidade Autónoma de Galicia coa eliminación da discriminación das mulleres e coa promoción da igualdade entre mulleres e homes, atribuíndolle o máis alto grao de efectividade ao dereito constitucional á igualdade entre mulleres e os homes no ámbito das competencias da Comunidade Autónoma, consonte as obrigas impostas aos poderes públicos de Galicia no artigo 4 do Estatuto de autonomía de Galicia, entre as que figura a de promover as condicións para que a liberdade e a igualdade da persoa e dos grupos en que se integra sexan reais e efectivas, así como remover os atrancos que impidan ou dificulten a súa plenitude e facilitar a participación de todos os galegos/as na vida política, económica, cultural e social.

Nesta actuación recoñécese o ámbito municipal, pola súa proximidade á cidadanía e polo coñecemento da situación específica da súa poboación, como o idóneo para o desenvolvemento de accións tendentes a garantir a igualdade entre mulleres e homes, a prevención e a erradicación da violencia de xénero, así como para o establecemento das condicións que posibiliten a participación das mulleres na vida política, económica, cultural e social.

O Real Decreto-lei 9/2018, de 3 de agosto, de medidas urxentes para o desenvolvemento do Pacto de Estado contra a violencia de xénero, na disposición final primeira modifica a Lei 7/1985, de 2 de abril, Reguladora das Bases de Réxime Local e xustifica como competencia propia municipal, engadindo o parágrafo o) ao apartado 2 do artigo 25 da Lei 7/1985, de 2 de abril, coa seguinte redacción: **«o) Actuacións na promoción da igualdade entre homes e mulleres así como contra a violencia de xénero.»**

A Concellería de Igualdade do Concello de Lalín ten pois entre os seus obxectivos contribuír á realización efectiva do principio de igualdade entre mulleres e homes.

Tendo en conta o exposto anteriormente e ao amparo da Lei 38/2003, do 17 de novembro, Xeral de Subvencións; do R.D. Lexislativo 887/2006, polo que se aproba o Regulamento da Lei 38/2003, Xeral de Subvencións; da Lei 9/2007, do 13 de xuño, de subvencións de Galicia; da Lei 39/2015, do 1 de outubro, do Procedemento Administrativo Común das Administracións Públicas; da Lei 5/1997, do 22 de xullo, de Administración Local de Galicia; da Lei 7/1985, Reguladora de Bases de Réxime Local; do R.D. Lexislativo 781/1986 polo que se aproba o Texto Refundido de Réxime Local; do R.D. Lexislativo 2/2004 polo que se aproba o Texto Refundido de Facendas Locais; do R.D 500/1990 polo que se desenvolve o capítulo primeiro do título sexto da Lei 39/1988, Reguladora das Facendas Locais en materia de orzamentos; das Bases de



Igualdade

execución do orzamento 2025 do Concello de Lalín e respectando o establecido na Lei Orgánica 3/2018, de 5 de decembro, de Protección de Datos Persoais e Garantía dos Dereitos Dixitais, o Concello de Lalín, a través das Concellerías de Igualdade e Comercio, convoca o **XIX Premio ás Mulleres “Dna. Maruja Gutiérrez”**, para visibilizar e distinguir a profesionalidade, a capacidade de iniciativa empresarial e a traxectoria persoal e social das mulleres lalinenses no 2025. De acordo coas seguintes:

BASES

As presentes bases teñen por obxecto a concesión do **XIX Premio ás Mulleres “Dna. Maruja Gutiérrez” 2025 do Concello de Lalín**.

As Concellerías de Igualdade e Comercio do Concello de Lalín, con motivo do 8 de Marzo Día Internacional das Mulleres, convocan este premio para visibilizar e distinguir a profesionalidade, a capacidade de iniciativa empresarial e a traxectoria persoal e social das mulleres lalinenses no 2025.

Este premio nace coa finalidade de difundir as achegas das mulleres á sociedade, promovendo a transformación de estereotipos sexistas e rachando coas situacións de discriminación por razón de xénero, así coma para estimular e recoñecer o esforzo e a traxectoria de mulleres que están desenvolvendo unha labor importante e relevante no ámbito da igualdade de oportunidades, para que sirva de exemplo para toda a sociedade e referente para as novas xeracións de mulleres.

As bases estarán a disposición das persoas interesadas na Oficina de Igualdade e na web www.lalin.gal

Primeira.- Estas bases reguladoras publicaranse no Boletín Oficial da Provincia de Pontevedra (BOPPO) e con posterioridade remitirase a convocatoria á Base de Datos Nacional de Subvencións (BDNS) que será a que lle de traslado do seu extracto ao BOPPO.

O prazo de presentación de candidaturas empezará ao día seguinte da publicación do extracto da convocatoria no BOPPO e rematará o **26 de febreiro de 2025**, poderán ser presentadas pola propia interesada ou a instancia de terceiros: particulares, asociacións empresariais, comerciais, culturais, de mulleres, sindicatos...

Segunda.- Poderán optar ao premio:

- **Empresarias** (titular, promotora e/ou socia principal), con independencia da forma xurídica da súa empresa e con domicilio social en Lalín.
- **Mulleres ou Asociacións/Colectivos** que destaquen pola súa traxectoria tanto profesional, coma persoal ou no eido social.



Terceira.- O Xurado outorgará tres premios repartidos nas seguintes categorías

- **Xove empresaria** (idade máxima da empresaria 35 anos ou que a creación da empresa non supere os 3 anos de antigüidade)
- **Traxectoria “toda unha vida”.**
- **Mulleres en movemento**, para mulleres ou asociacións/colectivos de mulleres que destaquen pola súa traxectoria profesional, persoal ou social e que traballan polo avance en igualdade.

Cuarta.- Os criterios de valoración para elixir ás premiadas serán os seguintes, e serán valorados cada un deles cun punto, ata un máximo de 15 puntos:

- Labor social.
- Iniciativa emprendedora.
- Creatividade e/ou idea innovadora.
- Nivel de consolidación da empresa ou asociación.
- Fomento do desenvolvemento local.
- Contribución á incorporación das mulleres ao mundo laboral.
- Contribución ao coñecemento e á cultura.
- Promoción da igualdade de oportunidades.
- Promoción dos procesos de conciliación da vida persoal, familiar e laboral.
- Promoción e creación de emprego nos novos xacementos de emprego.
- Inversión en I+D.
- Dedicación.
- Traxectoria profesional.
- Outros...



Igualdade

Quinta.- As interesadas en optar a este galardón ou aquelas persoas e institucións interesadas en propoñer a algunha candidata, deberán remitir as candidaturas ata o día 26 de febreiro de 2025 a través da **Sede Electrónica** ou do **Rexistro Xeral do Concello de Lalín**, tamén poderán enviarse por correo electrónico a igualdade@lalin.gal, indicando no asunto XIX Premio ás Mulleres “Dña. Maruja Gutiérrez”.

As candidaturas presentadas deberán achegar a ficha que se xunta como Anexo I e proporcionar datos suficientes que permitan recoñecer á candidata, así como un breve currículo e/ou historia de vida, e as razóns polas que considera que é merecedora deste premio.

Sexta.- As candidaturas serán valoradas por un xurado nomeado ao efecto, que estará formado por concelleiros, concelleiras e persoal técnico de diferentes áreas municipais e por representantes do tecido asociativo e empresarial de Lalín, presidido pola Concelleira de Igualdade, ou a persoa en quen delegue, e cuxa secretaría será desempeñada pola Axente de Igualdade.

O xurado seleccionará as candidatas que considere merecedoras dos premios nas diferentes categorías, atendendo aos criterios de valoración recollidos na base cuarta, así mesmo poderá solicitar información complementaria sobre as finalistas durante o proceso de deliberación.

O fallo do xurado recollerase nun acta e será levado á Xunta de Goberno Local para a aprobación definitiva da concesión dos premios, que se fará público na web do Concello de Lalín www.lalin.gal

A composición do xurado será a seguinte, ou persoas en quen deleguen:

Presidencia: Concelleira de Igualdade

Vogais: Concelleira de Comercio

Concelleiro de Xuventude

Representante do grupo municipal CxG

Representante do grupo municipal PSOE

Axente de Igualdade

Psicóloga do CIM

Técnica de Emprego

Representante da AED

Secretaría: Axente de Igualdade



Igualdade

Sétima.- Os premios outorgaranse en especie e consistirán nunha peza orixinal realizada especificamente para este galardón.

O importe total dos premios será de 453,75 € (151,25 € cada premio) con cargo á aplicación orzamentaria 0/2312/48100.

Os premios poderán ser declarados desertos se a xuízo do Xurado as propostas presentadas non reúnen méritos suficientes ou non se axustan ás condicións establecidas na convocatoria.

A entrega de premios terá lugar en marzo de 2025 durante a celebración dun acto público, ao que deberán asistir, se é posible, as persoas gañadoras que serán avisadas con antelación.

Oitava: As persoas premiadas deberán acompañar declaración responsable do cumprimento dos requisitos previstos nos artigos 13.1 e 13.2 da Lei 38/2003, de 17 de novembro, Xeral de Subvencións (conforme ao Anexo II publicado na web www.lalin.gal). Sen esa declaración non poderán ser beneficiarias dos premios.

Novena: Cada participante, polo mero feito de participar, acepta estas bases, así como a divulgación dos méritos a través dos medios de comunicación e redes sociais. Calquera outra circunstancia non prevista nas mesmas será resolta polo xurado, e as súas decisións serán inapelables.

Décima.- A non aceptación ou incumprimento dalgunha destas bases supón a renuncia ao citado galardón.

Lalín, 24 de xaneiro de 2025

A Concelleira delegada de Igualdade, M^a Carmen Canda Larroy

(ASINADO DIXITALMENTE Á MARXE)

L

K

M

5

Cod. Validación: 7YSPSXGET3DPDTE7XZEDQGARZ
Corrección: <https://lalin.sedelectronica.gal/>
Documento asinado electronicamente desde a plataforma xestiona esPublico | Páxina 5 a 8



ANEXO I

FICHA DE CANDIDATURA AO XIX PREMIO ÁS MULLERES “DNA. MARUJA GUTIÉRREZ” 2025

Si ten interese en propoñer unha **candidatura ao XIX Premio ás Mulleres “Dna. Maruja Gutiérrez” 2025**, encha esta ficha e fágaa chegar a través da **Sede Electrónica** ou do **Rexistro Xeral do Concello de Lalín**, ou por correo electrónico a igualdade@lalin.gal ata o día 26 de febreiro de 2025.

PERSOA / COLECTIVO QUE PRESENTA A PROPOSTA:

NOME E APELIDOS DA CANDIDATA QUE SE PROPÓN:

CATEGORÍA Á QUE SE PRESENTA:

- **Xove empresaria** (idade máxima da empresaria 35 anos ou que a creación da empresa non supere os 3 anos de antigüidade)
- **Traxectoria “toda unha vida”**
- **Mulleres en movemento** para mulleres ou asociacións/colectivos de mulleres que destaquen pola súa traxectoria profesional, persoal ou social e que traballan polo avance en igualdade

DATOS DA CANDIDATA/ EMPRESA / ASOCIACIÓN:

Nome: DNI:

Empresa: CIF:

Enderezo:

Teléfono:


Correo electrónico:

Cargo que ocupa:

Ano de fundación:

Páxina web:

Outros:



Igualdade


RAZÓNS QUE AO SEU XUÍZO FAN MERECEDORA DO XIX PREMIO ÁS MULLERES “DNA. MARUJA GUTIÉRREZ” 2025 Á CANDIDATA, E BREVE CURRÍCULO OU HISTORIA DE VIDA:

***Nota:** Engada a esta ficha, información mais detallada que recolla o currículo ou historia de vida da candidata*

MARQUE DOS SEGUINTES ASPECTOS, AQUELES QUE ESTIME QUE O XURADO PODERÍA VALORAR DESTA SOLICITUDE:

- Labor social
- Iniciativa emprendedora
- Creatividade e/ou idea innovadora
- Nivel de consolidación da empresa ou asociación
- Fomento do desenvolvemento local
- Contribución á incorporación das mulleres ao mundo laboral
- Contribución ao coñecemento e á cultura
- Promoción da igualdade de oportunidades
- Promoción dos procesos de conciliación da vida persoal, familiar e laboral.
- Promoción e creación de emprego nos novos xacementos de emprego
- Inversión en I+D
- Dedicación
- Traxectoria profesional
- Outros...





Lalínmcero

Igualdade



Concello de Lalín

Máis información: Oficina de Igualdade do Concello de Lalín Praza de Galicia, nº 1

Tfnos.- 986 78 70 60 - 986 18 10 45 igualdade@lalin.gal

INFORMACIÓN BÁSICA SOBRE PROTECCIÓN DE DATOS

Os datos por vostede facilitados serán tratados polo **CONCELLO DE LALÍN**, en calidade de Responsable de Tratamento, coa finalidade de levar a xestión de preinscricións, inscricións e desenvolvemento de actividades de carácter sociocultural, a nivel individual. Xestión administrativa e contable do servizo.

A base xurídica de lexitimación para o tratamento dos datos persoais radica no consentimento explícito manifestado por vostede mediante a formalización da reserva, participación, inscrición ou matriculación. En todo caso, os datos serán tratados no cumprimento dunha misión realizada en interese público ou no exercicio de poderes públicos conferidos ao CONCELLO DE LALÍN.

Os datos serán conservados durante o prazo de tempo que teña duración á actividade. Non obstante, os datos poderán ser conservados, no seu caso, con fins de arquivo de interese público, fins de investigación científica e histórica ou fins estadísticos.

Os datos serán cedidos ás entidades públicas ou privadas, as cales sexa necesario ou obrigatorio ceder estes para poder xestionar a súa solicitude, así como nos supostos previstos, segundo a Lei.

Vostede poderá exercer os dereitos de Acceso, Rectificación, Supresión, Limitación ou, no seu caso, Oposición.

A estes efectos, deberá presentar un escrito no Rexistro de Entrada, electrónico ou presencial, do CONCELLO DE LALÍN. No escrito deberá especificar cal destes dereitos solicita sexa satisfeito e, a súa vez, deberá amosar ou, en caso de envío postal, acompañar a fotocopia do DNI ou documento de identificación equivalente. No caso de que actuara mediante representante, legal ou voluntario, deberá aportar tamén documento que acredite a representación e documento de identificación do mesmo.

Así mesmo, en caso de considerar vulnerado o seu dereito á protección de datos persoais, poderá interpor unha reclamación, en primeiro lugar, ante o noso Delegado de Protección de Datos: dpd@lalin.gal ou, no seu caso, ante a Axencia Española de Protección de Datos.

(<http://www.aepd.es>)]www.aepd.es)

